

Broj: 01-02-8985/2024  
Hadžići, 06.07.2024. godine

Na osnovu člana 24. Statuta Općine Hadžići („Službene novine Kantona Sarajevo“, broj: 15/09, 17/12, 10/13, 14/13 - ispravka, 11/18 i 1/20), a u skladu sa članom 88. i 96. Poslovnika Općinskog vijeća Hadžići („Službene novine Kantona Sarajevo“ - prečišćeni tekst, broj: 7/18 i 19/23), Općinsko vijeće Hadžići na 31. sjednici održanoj dana 06.07.2024. godine razmatrajući Informaciju o radu ustanova i kvalitetu usluga u djelatnosti zdravstva na području općine Hadžići, d o n o s i

### Z A K L J U Č A K

Općinsko vijeće smatra da je u cilju pružanja kvalitetnije usluge građanima iz oblasti primarne i sekundarne zdravstvene zaštite, a obavezno uzevši u obzir razuđenost teritorije općine Hadžići i udaljenost od Univerzitetskog kliničkog centra Sarajevo te uzevši u obzir broj korisnika zdravstvenog osiguranja na području općine Hadžići, NEOPHODNO da se obavezno ispuni sljedeće i to:

1. U Ambulanti Pazarić zdravstvene usluge treba da se pružaju u prvoj i u drugoj smjeni, da Ambulanta Binježevo treba da radi minimalno četiri dana sedmično te da se u Ambulanti Tarčin i Ambulanti Pazarić obezbijedi uzimanje uzoraka krvi za analizu dva puta sedmično.
2. Potrebno je unaprijediti rad Specijalističkih službi i obavezno obezbijediti Potrebno je unaprijediti rad Specijalističkih službi i obavezno obezbijediti:  
Rad oftalmologa DVA DANA,  
Rad dijabetologa DVA DANA i  
Rad neurologa JEDAN DAN.  
Rad pulmologa PET DANA radi pravovremenog pružanja usluge pacijentima te prevencije širenja zaraznih obiljenja.
3. Zavodu za zaštitu žena i materinstva - lokalitet Hadžići za bolji rad i kvalitetniju dijagnostiku neophodno je obezbijediti nabavku novog ultrazvučnog aparata.
4. Također tražimo da nadležne institucije utvrde protokol za pacijente kod kojih se otkriju zarazne bolesti čiji su prenosioci zarazne životinje (npr. bruceloza, Q groznica i slično) te da se uspostavi koordinacija između ljekara porodične medicine, Kliničkog

centra Univerziteta u Sarajevu, Zavoda za javno zdravstvo Kantona Sarajevo i nadležne Kantonalne veterinarske inspekcije.

5. Potrebno je regulisati oblast mrtvozorstva u Kantonu Sarajevo posebno iz razloga što je na području općine Hadžići samo jedan mrtvozornik. Ukoliko je moguće unutar važeće legislative da svaki ljekar ujedno bude i mrtvozornik te da se regulira način naknade za iste čime bi se umnogome olakšalo i ožalošćenim porodicama i smanjio pritisak na trenutne mrtvozornike u Kantonu Sarajevo.
6. Općinsko vijeće sugerira da je potrebno uspostaviti bolju interakciju Hitne pomoći sa OJ Dom zdravlja Hadžići te da se na punktu Hitne pomoći u Hadžićima ukaže pomoć i pruži hitni tretman pacijentima sa akutnim bolom kada se isti obrati Hitnoj pomoći.
7. Pacijenti se trebaju posebno informirati o mogućnosti korištenja usluga privatnog zdravstvenog sektora ukoliko im se neke usluge ne mogu pružiti u određenom periodu u javnoj ustanovi. Ipak, treba i dalje raditi na jačanju i promoviranju javnih zdravstvenih ustanova i kadra koji pruža usluge te ukazivati na prednosti korištenja javnih zdravstvenih ustanova.
8. Sve nadležne institucije iz oblasti zdravstva trebaju planirati i djelovati te posebnu pažnju posvetiti preventivi jer je sadašnjim sistemom rada i liječenjem oboljenja veliki pritisak na zdravstveni sektor koji to dugoročno ne može izdržati.
9. Za realizaciju Zaključka zadužuje se Služba za boračko - invalidsku, socijalnu i zdravstvenu zaštitu, izbjegla i raseljena lica.
10. Ovaj Zaključak dostavit će se Općinskom načelniku, Službi za boračko - invalidsku, socijalnu i zdravstvenu zaštitu, izbjegla i raseljena lica, Ministarstvo zdravstva Kantona Sarajevo, J.U. Dom zdravlja Kantona Sarajevo, O.J. Dom zdravlja Hadžići, Zavodu za hitnu medicinsku pomoć Kantona Sarajevo, Javnoj ustanovi Zavod za javno zdravstvo Kantona Sarajevo, Javnoj ustanovi Zavod za zaštitu žena i materinstva Kantona Sarajevo - lokalitet Hadžići.

#### DOSTAVLJENO:

1. Općinski načelnik
2. Služba za boračko - invalidsku,  
socijalnu i zdravstvenu zaštitu,  
izbjegla i raseljena lica
3. Ministarstvo zdravstva Kantona Sarajevo
4. Javna ustanova Dom zdravlja Kantona Sarajevo
5. Javna ustanova Zavod za hitnu medicinsku pomoć  
Kantona Sarajevo
6. Javna ustanova Zavod za javno zdravstvo

Kantona Sarajevo

7. Organizaciona jedinica Dom zdravlja Hadžići

8. Javna ustanova Zavod za zaštitu žena i materinstva Kantona Sarajevo -  
lokalitet Hadžići

9. Evidencija

10. Arhiva.-

Predsjedavajući  
Općinskog vijeća Hadžići

Almin Bašić